

漢魏六朝百三家集

晉

傅鶡觚

第三十冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V.30

新醵頌集

謂者勉為漢古辭非相如枚乘不
作其言文聲永誠詩家六言之祖

代文苑宗廟樂歌多推
八

傅鵠觚集

傅鸞觚集題詞

晉代郊祀宗廟樂歌多推傅休奕顧
其文采與荀張等耳苦相篇與襍詩
二首頗有四愁定情之風厯九秋篇
讀者疑爲漢古辭非相如枚乘不能
作其言文聲永誠詩家六言之祖也

休奕天性峻急正色白簡臺閣生風
獨爲詩篇辛婉溫麗善言兒女強直
之士懷情正深賦好色者何必宋玉
哉後人致疑廣平抑固哉高叟也晉
武受禪廣納直言休奕時務便宜諸
疏剴切中理至云魏武好法術天下

貴刑名魏文慕通遠天下賤守節請
退虛鄙如逐鳥雀晉衰薄俗先有隱
憂干令升論曰覽傅立劉毅之言而
得百官之邪核傅咸之奏錢神之論
而覩寵賂之彰悼禍亂而美知幾清
泉藥石可世守也爭言罵座兩遭免

官褊心有誚亦汲長孺之微戇乎

婁東張溥題

晉傅鶚觚集目錄

賦

朝會賦

正都賦

又

又

又

辟雍鄉飲酒賦

陽春賦

述夏賦

大寒賦

喜霽賦

弔秦始皇賦

有序

筆賦

硯賦

琵琶賦

有序

又

又

箏賦

圓扇賦

相風賦

酒賦

又

又

桃賦

李賦

玄棗賦

石榴賦

瓜賦

桑樵賦

柳賦

蓍賦

鬱金賦

紫花賦

有序

宜男花賦

菊賦

有序

雉賦

山雞賦

鷹賦

又

鸚鵡賦

鬪雞賦

蟬賦

乘輿馬賦

良馬賦

又

又

又

馳射馬賦

又

又

又

走狗賦

猿猴賦

鷹兔賦

箏賦序

乘輿馬賦序

琴賦序

彈碁賦序

蜀葵賦序

芸香賦序

矯情賦序

墓誌銘

江夏太守任君墓誌銘

疏

陳時務疏

水旱上便宜五事疏

舉清遠疏

表

賀老人星表

又

奏

諸官病奏

議

正朔議

五祀議

序

贈扶風馬鈞序

連珠序

華嶽銘序

七謨序

論

荀何論

又

又

贊

漢高祖畫贊

漢明帝畫贊

班婕妤畫贊

明德馬皇后贊

古今畫贊

信陵

又

孫武

太常趙咨畫贊

楊阜贊序

箴

吏部尚書箴

太子少傅箴

銘

印銘

劍銘

棟銘

筆銘

鏡銘

杖銘

澡盤銘

燈銘

龜滴銘

席銘

被銘

衣銘

裳銘

冠銘

履銘

立龍銘

靈蛇銘

擬金人銘作口銘

誠

口誠

頌

魏德頌

設難

客難

誄

太僕龐侯誄

祝文

祝祖文

服

魏武帝擬古皮弁裁縑帛爲白帟以易
舊服

魏尚書何晏好服婦人之服

樂府

晉郊祀歌三首

夕牲歌

迎送神歌

饗神歌三章

晉天地郊明當歌六首

夕牲歌

降神歌

天郊饗神歌

地郊饗神歌

又

明堂饗神歌

晉宗廟歌十一首

夕牲歌

迎送神歌

征西將軍登歌

豫章府君登歌

潁川府君登歌

京兆府君登歌

宣皇帝登歌

景皇帝登歌

文皇帝登歌

饗神歌二章

晉四廂樂歌三首

正旦大會行禮歌

四章

上壽酒歌

食舉東西廂歌

十三章

晉鼓吹曲二十二首

靈之祥

宜受命

征遼東

宜輔政

時運多難

景龍飛

平玉衡

文皇統百揆

因時運

惟庸蜀

天序

大晉承運期

金靈運

於穆我皇

仲春振旅

夏苗田

仲秋獮田

順天道

唐堯

立雲

伯益

釣竿

晉正德大豫舞歌二首

正德舞歌

大豫舞歌

晉宣武舞歌四首

惟聖皇篇

矛俞第一

短兵篇

劍俞第二

軍鎮篇

弩俞第三

窮武篇

安臺行亂第四

晉宣文舞歌二首

羽籥舞歌

羽鐸舞歌

晉鼙舞歌五首

洪業篇

天命篇

景皇篇

大誓篇

明君篇

晉鐸舞歌

雲門篇

短歌行

秋胡行

惟漢行

豔歌行

長歌行

豫章行苦相篇

和秋胡行

飲馬長城窟行

放歌行

豔歌行有女篇

墻上難爲趨

怨歌行朝時篇

秋蘭篇

明月篇

前有一樽酒行

何當行

却東西門行

美女篇

飛塵篇

董逃行
歷九秋篇十二首

吳楚歌

鴻鴈生塞北行

白楊行

秦女休行

雲中白子高行

西長安行

車遥遥篇

昔思君

詩

答程曉詩

宴會詩

芙蓉

雜詩三首

又答程曉

宴詩

天行篇

日昇歌

三光篇

衆星詩

苦雨

苦熱

古詩

擬四愁詩四首

并序

兩儀詩

天行歌

雜言

驚雷歌

雜言

一作雷

雲歌

蓮歌

啄木

雜歌

九曲歌

歌詞

失題五首

見藝文
日部

二

初學
江部

三

藝文
稍部

四

藝文
燎部
庭

五

藝文
松部

附錄

本傳

晉傳鵠觚集目錄終

傳敦角集

目錄

三

傳鵜觚集卷全

晉北地傳 立著

明太倉張 溥閱

賦

朝會賦

仰二皇之文象、詠帝德乎上系、考夏后之遺訓、
綜殷周之典制、采秦漢之舊儀、肇元正之嘉會、
於是先期戒事、衆法允勅、萬國咸亨、各以其職、
翼翼京邑、巍巍紫極、前三朝之夜半、庭燎晃以

舒光華、燈若乎火樹、熾百枝之煌煌、俯而察之、
如亢燭龍而炤玄方、仰而觀焉、若披丹霞而鑒
九陽、闐闐闢天門、開坐太極之正殿、嚴嵯峨以
崔嵬、嘉廣庭之敞麗、美升雲之玉階、相者從容、
俟次而入、濟濟洋洋、肅肅習習、就位重列、面席
而立、臚人齊列、賓禮九重、羣后德讓、海外來同、
束帛戔戔、羔鴈邕邕、獻贄奉璋、人肅其容、是時
天子盛服晨興、坐武帳、憑玉几、正南面而聽朝、
憑權衡乎砥矢、羣司百辟進、昨納觴、皇恩下降、

休氣上翔、禮畢饗讌、進止有章、六樂遞奏、磬管
鏗鏘、淵淵鼓鐘、嘒嘒笙簧、搏拊琴瑟、以詠先皇、
雅歌內協、頌聲外揚、

正都賦

撫琴瑟、陳鐘簴、吹鳳簫、擊鼉鼓、奏新聲、理秘舞、
乃有材童妙妓、都盧迅足、緣脩竿而上下、形旣
變而景屬、忽跟挂而倒絕、若將墜而復續、虬縈
龍蟠、委隨紆曲、杪竿首而腹旋、承嚴節之繁促、
於是神嶽雙立、岡巖崱崱、靈草蔽崖、嘉木成林、

東父翳青蓋而遐望、西母使三足之靈禽、列仙
逸唱、熊虎聽音、丹蛟吹笙、文豹鼓琴、素女撫瑟、
而安歌聲可意而入心、偃佺企而鶴立、和清響
而哀吟、

又

五采文身、質美光炫、激衝風於秦鑪、飛光天之
烈燄、

又

苗山之鋌鑄以爲劍、其利也陸斷犀兕、水截輕

鴻灑奔駟於中衢，斬雙蛟於大江，將以威天下而禦羣凶。

又

手戲絕倒，凌虛寄身，跳丸擲掘，飛劍舞輪。

辟雍鄉飲酒賦

時皇帝親枉萬乘之尊號，以幸乎辟雍，鹵簿齊列，官正其容，乃延卿士，乃命王公，定小會之常儀，今饗殊俗而見遠邦，揖讓而升，有主有賓，禮雖舊制，其教惟新，若其俎豆有數，威儀翼翼，賓

主百拜，貴賤脩勅，酒清而不飲，肴乾而不食，及至嘒嘒笙磬，喤喤鐘鼓，琴瑟安歌，德音有叙，樂而不淫，好樸尚古，四坐先述，而後悟，然後知禮教之弘普也。

陽春賦

虚心定乎昏中，龍星正乎春辰，嘉句芒之統時，宣太皞之威神，素冰解而泰液洽，立獮祭而鴈北征，乾坤絪縕，冲氣穆清，幽蟄蠢動，萬物樂生，依依楊柳，翩翩浮萍，桃之夭夭，灼灼其榮，繁華

燿而燿野、煒芬葩而揚英、鵲營巢於高樹、燕銜
泥於廣庭、覩戴勝之止桑兮、聆布穀之晨鳴、樂
仁化之普宴兮、異鷹隼之變形、習習谷風、洋洋
綠泉、丹霞橫景、文虹竟天、

述夏賦

四月惟夏、運臻正陽、和氣穆而扇物、麥含露而
飛芒、清徵泛於琴瑟、朱鳥感於炎荒、鹿解角於
中野、草木蔚其條長、

大寒賦

五行倏而競驚兮、四節奔而電逝、諒暑往而寒來、
十二月而成歲、日月會于析木兮、重陰淒而增
肅、彩虹藏於虛廓兮、鱗介潛而長伏、若乃天地
凜烈數極氣否、嚴霜夜結、悲風晝起、飛雪山積、
蕭條萬里、百川咽而不流兮、冰凍合於四海、扶
木憔悴於湯谷、若華零落於濛汜、

喜霽賦

喜陰霖之旣霽、嘉良辰之肇晴、悅氛電之潛匿、
兮、樂天鑒之孔明、行潦歸於百川兮、七氣徹於

云庭、東風穆而扇路、重陽昇其舒靈、去湮沒之
憂患、卽通塗之敞平、釋昏墊之蒙昧、覩日月之
光榮、若幽龍之出泉兮、超飛躍乎太清、昔唐帝
之欽明兮、邁洪水之巨害、在殷湯之盛時兮、亢
炎旱以厯歲、伊我后之神聖兮、敷皇道以居帝、
雖風雨之失度兮、且嘉穀之無敗、咸調暢以滋
茂兮、天人穆其交泰、命怡樂之吐和兮、播仁風
於無外、

弔秦始皇賦

有序

余治獄至長安觀乎阿房而弔始皇曰

傷秦政之爲暴棄仁義以自亡，搦紙申辭以弔
始皇，有姬失統，命不於常，六國旣平，奄有萬方，
政虐刑酷如火之揚，致周章之百萬，取發掘於
項王，疲斯民乎宮墓，甚癸辛於夏商，未旋踵而
爲墟，屯麀麋乎廟堂，國旣顛而莫扶，孰阻兵之
爲強。

筆賦

簡脩毫之奇兔，選珍皮之上翰，濯之以清水，芬

之以幽蘭嘉竹翠色、彤管含丹、於是班匠竭巧、
名工逞術、纏以素帛、納以玄漆、豐約得中、不文
不質、爾乃染芳松之瀟煙、寫文象於純素、動應
手而從心、煥文流而星布、

硯晷

採陰山之潛璞、簡衆材之攸宜、節方圓以定形、
鍛金鐵而爲池、設上下之剖判、配法象乎二儀、
木貴其能軟、石美其潤堅、加采漆之膠固、含冲
德之清玄、

琵琶賦 有序

世本不載作者、聞之故老云、漢遣烏孫公主嫁
昆彌、念其行道思慕、使工人知音者、載琴箏筑
箜篌之屬、作馬上之樂、觀其器中虛外實天地
象也、盤員柄直、陰陽叙也、柱有十二、配律呂也、
四弦法四時也、以方語目之、故云琵琶、取易傳
于外國也、杜摯以爲嬴秦之末、蓋苦長城之役、
百姓弦鼗而鼓之、二者各有所據、以意斷之烏孫近焉
素手紛其若飄、今逸響薄於高梁、弱腕忽以競

騁兮象驚電之絕光。飛纖指以促柱兮。創發越以哀傷。時旃擗以劫蹇兮。聲皦耀以激揚。啟飛龍之祕引。逞奇妙於清商。哀聲內結。沉氣外澈。舒誕沈浮。徊翔曲折。

又

然後衆弄雜會。六引遞奏。纖絃振舞。迅手繁驚。

又

控脩柄以布柱。轉四時而發機。

箏賦

陰沉陽升、柔屈剛興、立黃之分、推故引新、迭爲
主賓、四時之陳、追赴促彈、急擊扣危、洪纖雜
沓、或合或離、清濁代興、有始有終、哀起清羽、
樂混大宮、

圓扇賦

何皎月之纖素、擬皓日而軟貞、晞簷莆之芳烈、
隨變體而殊名、勁節剛以立質、象日月之定形、

北堂書抄載傳立統扇賦曰、隆
暑翕以鬱蒸、炎氣燎于幽房、

相風賦 有序

昔之造相風者其知自然之極乎其達變通之理乎上稽天道陰陽之運表以靈鳥物象其類下憑地體安貞之德鎮以金虎立成其氣風雲之應龍虎是從觀妙之徵神明所通夫能立成器以占吉凶之先見者莫精乎此

乃構相風因象設形蜿蜒盤獸以爲趾建脩竿之亭亭體正直而無撓度徑挺而不傾棲神鳥於竿首候祥風之來征

酒賦

課長興與中山比蒼梧與宜城造藥限以
味蜜甜而膽苦

又

飲者杯無算甌醴成川渠

又

應酒旗之明象推酒泉之佳名

桃賦

有東園之珍果兮承陰陽之靈和結桑根以列
樹兮豔長畝而駢羅夏日先熟初進廟堂辛氏

踐秋厥味益長、花落實結、與時剛柔、旣甘且脆、
入口消流、亦有冬桃、冷伴冰霜、和神適意、咨口
所嘗、華升御於內庭兮、飾佳人之令顏、實充虛
而療饑兮、信功烈之難原、嘉放牛於斯林兮、悅
萬國之乂安、望海島而慷慨兮、懷度索之靈山、
何茲樹之獨茂兮、條枝紛而麗閑、根龍虬而雲
結兮、彌萬里而屈盤、禦百鬼之妖慝兮、列神荼
以司妖、辟凶邪而濟正兮、豈唯榮美之足言、

李賦

植中州之名果兮，結脩根於芳園。嘉列樹之蔚蔚兮，美弱枝之爰爰。旣乃長條四布，密葉重陰。夕景迴光，俯陰蘭林。於是肅肅晨風，飄飄落英。潛實內結，豐彩外盈。翠質未變，形隨運成。清角奏而微酸起，大宮動而和甘生。旣變洽熟，五色有章。種別類分，或朱或黃。甘酸得適，美逾蜜房。浮彩點駁，赤者如丹。入口流濺，逸味難原。見之則心悅，含之則神安。乃有河沂黃建，房陵縹青。一樹三色，異味殊名。乃上代之所不覩兮，咸升

御乎紫房，周萬國之口實。今充薦饗於神靈，昔怪古人之感貺。乃答之以寶瓊，翫斯味之奇瑋。今然後知報之爲輕。

玄棗賦

有蓬萊之嘉樹，植神州之膏壤。擢剛莖以排虛，誕幽根以滋長。北陰塞門，南臨三江。或布燕趙，或廣河東。旣乃繁枝四合，豐茂蓊鬱。斐斐素華，離離朱實。脆若離雪，甘如含蜜。脆者宜新，當夏之珍。堅者宜乾，薦羞天人。有棗若瓜，出自海濱。

全生益氣服之如神

石榴賦

鳥宿中而纖條結、龍辰升而丹華繁、其在晨也、
灼若旭日、棲扶桑、其在昏也、赭若燭龍吐潛光、
苞玄黃之烈輝、緣煒曄而焜煌、發朱榮於綠葉、
時從風而颺揚、

瓜賦

調土下種、播之有經、應運候時、負甲徐生、遂日
就而月將、旣成母而盤縈、次落莫之密葉、今交

透迤之脩莖、敷碧綠之純采、金華炳其朗明、育之以人功、養之以六氣、黃逾金縑、青侔含翠、雖貍首之甘美兮、未若東門之奇偉、舊有密筍及青括、蔓嘉味溢口、鮮類寡儔、一齧之頃、至三搖頭、選美芳園、重簡其珍、披以吳刀、承以朱盤、中剖而破、雖分若完、質兼五味、氣美芳蘭、愈得冷而益甘兮、怡神爽而解煩、細肌密理、多瓢少瓣、豐旨絕異、食之不餍、

桑椹賦

繁實離離、含甘吐液、翠朱三變、或立或白、嘉味殊滋、食之無斃、

柳賦

美允靈之鑠氣兮、嘉木德之在春、何茲柳之珍樹兮、稟二儀之清純、受大角之禎祥兮、生濛汜之遐濱、參剛柔而定體兮、應中和以屈伸、長莖舒而增茂兮、密葉布而重陰、夾通塗與廣庭兮、環清沼而成林、於是立雲被岳、素景含暉、泰液渥流、朝露未晞、是精靈之所鍾兮、蔚鬱鬱以依

依居者觀而弭思兮，行者樂而忘歸。夫其結根
建本，則固於泰山；兼覆廣施，則均於昊天。雖尺
斷而逾滋兮，配生生於自然；無邦壤而不植兮，
象乾道之屢遷。紛猗靡以從風兮，若將徃而復
旋。若乃豐葩茂樹，長枝夭夭；阿那四垂，凱風振
條。同志來遊，攜手逍遙。

著賦

春邁衡德於青陽，混百卉而萌生。逮朱夏而脩
茂，暨商秋而堅貞。雖離霜而未彫，與潛龜乎通

靈於是原極以道握形以度以類萬物之情以
通天下之故豈唯終始於事業乃參天而倚數
棄原野之蕭條升雲階而內御運茲莖於掌握
爰象形而星布信鉤深而致遠實開物而成務

鬱金賦

葉萋萋兮翠青英蘊蘊而金黃樹晻藹以成陰
氣芬馥而含芳凌蘇合之殊珍豈艾納之足方
榮曜帝寓香播紫宮吐芬揚烈萬里望風

紫花賦

有序

紫華一名長樂華、舊生於蜀、其東界特饒、中國
奇而種之、余嘉其華純耐、以可歷冬而服、故與
友生各爲之賦、

有遐方之奇草、稟二氣之純精、仰紫微之景曜、
因令色以定名、剛莖勁立、纖條繁列、從回風以
搖動、紛蘭暢而蕙潔、蔚青葱以增茂、並含華而
未發、於是散綠葉、秀紫榮、蘊若芝草之始敷、灼
若百枝之在庭、獨參差以照耀、何光麗之雜形、
渙渙昱昱、而奪人目精、下無物以借喻、上取象

於朝霞妙萬物而比豔莫茲草之可嘉

太平御覽傳立

紫華賦尚有葩豔挺于碧枝兮煥若珊瑚之翠英

宜男花賦

猗猗令草生於中友花曰宜男號應禎祥遠而望之煥若三辰之麗天近而察之明若芙蓉之鑒泉於是狡童媛女以時來征結九秋之永思含春風以娛情

菊賦

有序

詩人覩王睢而咏后妃之德屈平見朱橘而申

忠臣之志

布濩河洛、縱橫齊秦、掇以纖手、承以輕巾、搯以玉英、納以朱脣、服之者長壽、食之者通神、

雉賦

稟炎離之正氣、應朱火之禎祥、播五彩之繁縵、被華文而成章、冠列角之盛儀、翹從風而飄揚、履嚴距之武節、超鸞時而鳳翔、感天和而貽瑞、進據鼎而祥商、樂周道之方隆、敷皓質於越裳、

山雞賦

惟南州之令鳥兼坤離而體珍被黃中之正色
敷文象以飾身翳景山之竹林超遊集乎水濱
鑒中流以顧影睇雲表之清塵

鷹賦

含炎離之猛氣兮受金剛之純精獨飛峙於林
野兮復徊翔於天庭左看若側右視如傾勁翮
二六機連體輕鈎爪懸芒足如枯荆嘴利吳戟
目頗星明雄姿邈世逸氣橫生

又

奮翅不得起。撫翼無所翔。飾五采之華絛結璇
璣之金鏤。雖逍遙於廣厦。思擊厲於中原。

鸚鵡賦

奇毛曜體。綠采含英。鳳翔鸞跼。孔質翠榮。發言
輒應。若響追聲。懸頰分於丹足。婉朱味之熒熒。

鬪雞賦

玄羽黝而含曜。兮素毛頰而揚精。紅縹廁於微
黃兮。翠彩蔚而流青。五色錯而成文兮。質光麗
而豐盈。前看如倒。傍視如傾。目象規作。嘴似削。

成高膺峭踣雙超齊平躍身竦體怒勢橫生爪
似鍊鋼目如奔星揚翹因風撫翮長鳴猛志橫
逸勢凌天廷或躑躅踟躕或囁唼容與或爬地
俯仰或舞翼未舉或狼顧鳴視或鸞翔鵠舞或
佯背而引敵或畢命於強禦於是紛紜翕赫雷
合電擊爭奮身而相戟兮競集鷺而鵬睨得勢
者凌九天失據者淪九地徒觀其戰也則距不
虛挂翮不徒拊意如饑鷹勢如逸虎

蟬賦

美茲蟬之純潔兮。稟陰陽之微靈。含精粹之貞
氣兮。體自然之妙形。潛玄昭於后土兮。雖在穢
而愈馨。經青春而未育兮。當隆夏而化生。忽神
蛻而靈變兮。奮輕翼之浮征。翳密葉之重蔭兮。
噪閑樹之肅清。緣長枝而仰觀兮。吸渥露之朝
零。泊無爲而自得兮。聆商風而和鳴。聲嘒嘒以
清和兮。遙自託乎蘭林。嗟羣吟以近唱兮。似簫
管之餘音。清激暢於遐邇兮。時感君之丹心。

乘輿馬賦

目若曜星符采橫發高顛懸日雙壁象月頭似
削成鬣如髣髴延首高驤擢足軒時氣蓋青雲
勢凌萬里九方不能測其天機秦公不能寔其
妙理

良馬賦

金羈在首發以明珂鏤鞍采鞞織勒含華

又

飾以金羈甲以玉纓結以輕軒節以和鈴

又

鞭不得搖，手不及動，忽然增逝，力飛骨踴。

又

奮豐沛艾，虎據麟跬，望雲睇景，乘虛四起，縱銜
斯逝，攬鞚則止。

馳射馬賦

何逸羣之奇駿，生濛汜之遐濱，附南方以定位，
表天駟於三辰，儀乾行之剛健，憑坤厚以託身，
豈驥德之足慕，睎萬里之清塵。

又

百鳥齊興、六驥孔閑、金銜玉羈、文勒鏤鞍、明珂
景朗、華撐采鮮、

又

佷如革戾如膠、鞭裁向腹、奮尾跳尻、

又

耳小易使鼻大、勢怒往來若鷹鵠、超騰如逸虎

走狗賦

蓋輕迅者莫如鷹、猛捷者莫如虎、惟良犬之稟
性、兼二儁之勁、武應天人之景暉、順儀象而近

處憑水木之和氣、鍊金精以自輔、統黔喙於秋
方、居太素之內寓、諒韓盧其不抗、豈晉葵之能
禦、旣乃濟盧泉、涉流沙、踰三光、跨大河、希代來
貢、作珍皇家、骨相多奇、儀表可嘉、足懸鉤爪、口
含素牙、首類驤螭、尾如騰蛇、脩頸闊腋、廣前捎
後、豐顙促耳、長義緩口、舒節急筋、豹耳龍形、蹄
如結鈴、五魚體成、勢若淩青雲、目若泉中星、轉
視流光、朱曜赤精、震茹黃而懼宋鵲兮、越妙古
而揚名、於是尋漏跡、躡遺踪、形疾騰波、勢如駭

龍邈朝鳥之輕機兮。絕猛獸之逸軌。漂星流而
景屬兮。逾窈冥而騰起。陵岡越壑。橫山起谷。原
無遁兔。林無隱鹿。顧芷隰以嬉遊兮。步蘭皋而
騁足。然後娛志苑囿。逍遙中路。屬精菜以待蹤。
逐東郭之狡兔。旣洋洋以衍衍。逞妙觀於永路。
旣迅捷其無前。又間暇而有度。樂極情遺。逸足
未殫。抑武烈而就羅兮。順指麾而言旋。歸功美
於執綬兮。其槃瓠之不虞。感恩養而懷德兮。願
致用於後田。聆輶車之鸞鑣兮。逸獨僑而盤桓。

猿猴賦

余酒酣耳熱、懽顏未伸、遂戲猴而縱猿、何瓌瑰之驚人、戴以赤幘、襪以朱巾、先裝其面、又丹其脣、揚眉蹙額、若愁若瞋、或長眊而抱勒、或嗁咋而齟齬、或顛仰而踟躕、或悲嘯而唵呻、旣似老公、又類胡女、或低眩而擇颯、或抵掌而胡舞、

鷹兔賦

鷹謂兔曰、汝害于物、有益于世、華髦被札、彤管以制。

箏賦序

箏以爲蒙恬所造。今觀其器。上圓似天。下平似地。中空准六合。絃柱十二。擬十二月。設之則四象存。鼓之則五音發。體合法度。節究哀樂。斯乃仁智之器也。豈亡國之臣所能開思運巧哉。或以爲蒙恬所造非也。

乘輿馬賦序

往日劉備之初降也。太祖賜之駿馬。使自至廐。選之。厯名馬以百數。莫可意者。次之下廐。有的。

顧馬委棄莫視。疲瘁骨立。劉備撫而取之。衆莫不笑之。馬超破蘇氏塲。塲中有駿馬百餘匹。自超以下俱爭取肥好者。而將軍龐恩獨取一騮馬。形觀旣醜。衆亦笑之。其後劉備奔於荊州。馬超戰於渭南。逸足電發。追不可逮。衆乃服焉。

琴賦序

神農氏造琴。所以協和天下人性。爲至和之主。齊桓有鳴琴曰號鍾。楚王有琴曰繞梁。司馬相如有焦尾。蔡邕有綠綺。皆名器也。

彈碁賦序

漢武帝好蹴鞠。劉向以爲蹴鞠勞人體竭人力。非至尊所宜御。乃因其體而作彈碁以解之。今觀其道。蹴鞠道也。

蜀葵賦序

蜀葵其苗似瓜瓠。嘗種之。一年引苗而生華。經二年春乃發。旣大而結。鮮紫色。曜日。

芸香賦序

始以微香。進入。終於捐棄黃壤。吁可閔也。遂詠。

而賦之

又菊賦序詩人觀王睢而詠后妃之德屈平見朱橘而申貞臣之志焉

矯情賦序

我太宗文皇帝命臣作西征賦又命陳徐諸臣作箴皆含玉吐金爛然成章

傅鶚解集

卷全

三

墓誌銘

江夏太守任君墓誌銘

君承洪苗之高胄、稟岐嶷之上姿、質美珪璋、志
邈雲霄、景行足以作儀範、柱石足以慮安危、弱
冠而英名播乎遐邇、拜江夏太守、內平五教、外
運六奇、邦國乂安、飄塵不作、銘曰

峩峩任君、應和秀生、如山之峙、如海之溟、才行
闡茂、文武是經、羣后利德、泊然弗營、宜享景福
光輔上京、如何夙逝、不延百齡、

傅郭角集

卷全

三

卷全

疏

陳時務疏

臣聞舜舉五臣無爲而化用人得其要也天下羣司猥多不可不審得其人也不得其人一日則損不貲况積日乎典謨曰無曠庶官言職之不可久廢也諸有疾病滿百日不差宜令去職優其禮秩而寵存之既差而後更用臣不廢職於朝國無曠官之累此王政之急也臣聞先王分士農工商以經國制事各一其業而殊其務

自士已上子弟爲之立太學以教之選明師以訓之各隨其才優劣而授用之農以豐其食工以足其器商賈以通其貨故雖天下之大兆庶之衆無有一人游手分數之法周備如此漢魏不定其分百官子弟不脩經藝而務交遊未知蒞事而坐享天祿農工之業多廢或逐淫利而離其事徒繫名於太學然不聞先王之風今聖明之政資始而漢魏之失未改散官衆而學校未設游手多而親農者少工器不盡其宜臣以

爲亟定其制。通計而天下若干人爲士。足以副
在官之吏。若干人爲農。三年足有一年之儲。若
于人爲工。足其器用。若干人爲商賈。足以通貨
而已。尊儒尚學。貴農賤商。此皆事業之要務也。
前皇甫陶上事。欲令賜拜散官。皆課使親耕。天
下享足食之利。禹稷躬稼。祚流後世。是以明堂
月令。著帝籍之制。伊尹。古之名臣。耕於有莘。晏
嬰。齊之大夫。避莊公之難。亦耕於海濱。昔者聖
帝明王。賢佐俊士。皆當從事於農矣。王人賜官。

冗散無事者。不督使學。則當使耕。無緣放之。使坐食百姓也。今文武之官。旣衆。而拜賜不在職者又多。加以服役爲兵。不得耕稼。當農者之半。南面食祿者。叅倍於前。使冗散之官。農而收其租稅。家得其實。而天下之穀。可以無乏矣。夫家足食。爲子則孝。爲父則慈。爲兄則友。爲弟則悌。天下足食。則仁義之教。可不令而行也。爲政之要。計人而置官。分人而授事。士農工商之分。不可斯須廢也。若未能精其防制。計天下文武之

官足爲副貳者使學其餘皆歸之於農若百工
商賈有長者亦皆歸之於農務農若此何有不
贍乎虞書曰三載考績三考黜陟幽明是爲九
年之後乃有遷敘也故居官久則念立慎終之
化居不見久則競爲一切之政六年之限日月
淺近不周黜陟陶之所上義合古制夫儒學者
王教之首也尊其道貴其業重其選猶恐化之
不崇忽而不以爲急臣懼日有陵遲而不覺也
仲尼有言人能弘道非道弘人然則尊其道者

非惟尊其書而已。尊其人之謂也。貴其業者。不
妄教。非其人也。重其選者。不妄用。非其人也。若
此而學校之綱舉矣。

水旱上便宜五事疏

臣聞聖帝明王受命天時。未必無災。是以堯有
九年之水。湯有七年之旱。惟能濟之以人事耳。
故洪水滔天而免沉溺。野無生草而不困匱。伏
惟陛下聖德欽明。時小水旱。人未大饑。下祇畏
之詔。求極意之言。同禹湯之罪已。侔周文之夕

惕臣伏懼喜上便宜五事

其一曰耕夫務多種而耕曠不熟徒喪功力而無收又舊兵持官牛者官得六分士得四分自持私牛者與官中分施行來久衆心安之今一朝減持官牛者官得八分士得二分持私牛及無牛者官得七分士得三分人失其所必不懽樂臣愚以爲宜佃兵持官牛者與四分持私牛與官中分則天下兵作懽然悅樂愛惜成穀無有損棄之憂。

其二曰以二千石雖奉務農之詔猶不勤心以盡地利昔漢氏以墾田不實徵殺二千石以十數臣愚以爲宜申漢氏舊典以警戒天下郡縣皆以死刑督之

其三曰以魏初未留意於水事先帝統百揆分河堤爲四部并水凡五謁者以水功至大與農事並興非一人所周故也今謁者一人之力行天下諸水無時得徧伏見河堤謁者車誼不知水勢轉爲他職更選知水者代之可分爲五部

使各精其方宜。

其四曰、古以步百爲畝、今以二百、四十步爲一畝、所覺過倍、近魏初課田、不務多其頃畝、但務脩其功力、故白田收至十餘斛、水田收數十斛、自頃以來、日增田頃畝之課、而田兵益甚、功不能脩、理至畝數斛已還、或不足以償種、非與曩時異、天地橫遇災害也、其病正在於務多頃畝、而功不脩耳、竊見河堤謁者石恢、甚精練水事、及田事、知其利害、乞中書召恢委曲、問其得失、

必有所補益

其五曰臣以爲胡夷獸心不與華同鮮卑最甚本鄧艾苟欲取一時之利不慮後患使鮮卑數萬散居人間此必爲害之勢也秦州刺史胡烈素有恩信於西方今烈往諸胡雖已無惡必且消弭然獸心難保不必其可久安也若後有動釁烈計能制之惟恐胡虜適困於討擊便能東入安定西赴武威外名爲降可動復動此二郡非烈所制則惡胡東西有窟穴浮游之地故復

爲患。無以禁之也。宜更置一郡於高平川。因安定西州都尉募樂徙民。重其復除。以充之以通北道。漸以實邊。詳議此二郡。及新置郡。皆使并屬秦州。令烈得專御邊之宜。

舉清遠疏

臣聞先王之臨天下也。明其大教。掌其義節。道化隆於上。清議行於下。上下相奉。人懷義心。亡秦蕩滅先王之制。以法術相御。而義心亡矣。近者魏武好法術。而天下貴刑名。魏文慕通遠。而

天下賤守節。其後綱維不攝。而虛無放誕之論。盈於朝野。使天下無復清議。而亡秦之病。復發於今。陛下聖德龍興。受禪弘堯舜之化。開正直之路。體夏禹之至儉。綜殷周之典文。臣詠歎而已。將又奚言。惟未舉清遠有禮之臣。以敦風節。未退虛鄙以懲不恪。臣是以猶敢有言。

武帝詔報

舉清遠有禮之臣者。此尤今之要也。

表

賀老人星表

老人星見，體色光明，嘉占元吉，弘無量之祐，隆克昌之祚，普天同慶，率土會歡。

又

老人星見，暉景光明，聖主壽延，享祚元吉，自天之祐，莫不抃舞。

奏

諸官病奏

諸官有病滿百日不差宜令去職優其禮秩既
差而復用

議

正朔議

帝王受命應歷禪代則不改正朔。遭變征伐則改之。舜正月上日受終於文祖。無改正之文。唐虞正朔皆同明矣。夏殷周革命乃改。魏受漢禪亦已不改。至于服色皆從其本。唯節幡用黃犬。晉以金德王天下順五行三統之序矣。

五祀議

禮大記云。室中央中霤。謂四霤之中也。祭于漏

井蓋失之矣。七祀之文皆云祀行而無井祭竈而不祭井於事則闕。夫設祀者非唯報功而已。亦神道設教使民慎之幽明也。臣以爲帝之都城宜祭一門正宮一門正室一戶井竈中霤亦各擇其一正者祭之。

序

贈扶風馬鈞序

馬先生天下之名巧也。少而游豫，不自知其爲巧也。當此之時，言不及巧焉。可以言知乎？爲博士居貧，乃思綾機之變，不言而世人知其巧矣。舊綾機五十綜者五十躡，六十綜者六十躡。先生患其喪功費日，乃皆易以十二躡。其奇文異變，因感而作者，猶自然之成形。陰陽之無窮，此輪扁之對，不可以言言者。又焉可以言校也？先

生爲給事中、與常侍高堂隆、驍騎將軍秦朗爭論於朝、言及指南車、二子謂古無指南車、記言之虛也、先生曰、古有之、未之思耳、夫何遠之有、二子哂之曰、先生名鈞、字德衡、鈞者器之模、而衡者所以定物之輕重、輕重無準、而莫不模哉、先生曰、虛爭空言、不如試之、易效也、於是二子遂以白明帝、詔先生作之、而指南車成、此一異也、又不可以言者也、從是天下服其巧矣、居京都、城內有地、可以爲園、患無水以灌之、乃作翻

車令童兒轉之、而灌水自覆、更入更出、其巧百
倍於常、此二異也、其後人有上百戲者、能設而
不能動也、帝以問先生、可動否、對曰、可動、帝曰
其巧可益否、對曰、可益、受詔作之、以大木彫構、
使其形若輪、平地施之、潛以水發焉、設爲女樂
舞象、至令木人擊鼓吹簫、作山岳、使木人跳丸
擲劍、緣絙倒立、出入自在、百官行署、春磨鬪雞、
變巧百端、此三異也、先生見諸葛亮連弩曰、巧
則巧矣、未盡善也、言作之可令加五倍、又患發

石車敵人之於樓邊、縣濕牛皮、中之則墮石、不能連屬而至、欲作一輪、縣大石數十、以機鼓輪、爲常、則以斷縣石、飛擊敵城、使首尾電至、嘗試以車輪懸、鈎、斨、數十、飛之數百步矣、有裴子者、上國之士也、精通見理、聞而哂之、乃難先生先生口屈不對、裴子自以爲難得其要言之不已、傅子謂裴子曰、子所長者言也、所短者巧也、馬氏所長者巧也、所短者言也、以子所長擊彼所短、則不得不屈、以子所短難彼所長、則必有所

不解者夫巧天下之微事也有所不解而難之
不已其相擊刺必已遠矣心乖於內口屈於外
此馬氏所以不對也傳子見安卿侯言及裴子
之論安卿侯又與裴子同傳子曰聖人具體備
物取人不以一揆也有以神取之者有以言取
之者有以事取之者有以神取之者不言而誠
心先達德行顏淵之倫是也以言取之者以變
辯是非言語宰我子貢是也以事取之者若政
事冉有季路文學子游子夏雖聖人之明盡物

如有所用。必有所試。然則試冉季以政。試游夏以學矣。游夏猶然。況自此而降者乎。何者。懸言物理。不可以言盡也。施之於事。言之難盡。而試之易知也。今若馬氏所欲作者。國之精器。軍之要用也。費十尋之木。勞二人之力。不經時而是。非定難試。易驗之事。而輕以言。抑人異能。此猶以已智。任天下之事。不易其道。以御難盡之物。此所以多廢也。馬氏所作。因變而得。是則初所言者。不皆是矣。其不皆是。因不用之。是不世之。

巧無由出也。夫同情者相妬。同事者相害。中人
所不能免也。故君子不以人害人。必以考試爲
衡石。廢衡石而不用。此美玉所以見誣爲石。荆
和所以抱璞而哭之也。於是安鄉侯悟。遂言之。
武安侯武安侯忽之不果試也。此旣易試之事。
又馬氏巧名已定。猶忽而不察。况幽深之才。無
名之樸乎。後之君子。其鑒之哉。馬先生之巧。雖
古公輸般墨翟王爾近漢世張平子不能過也。
公輸般墨翟皆見用於時。乃有益於世。平子雖

爲侍中馬先生雖給事省中俱不典工官巧無
益於世用人不當其才聞賢不試以事良可恨
也裴子者裴秀安卿侯者曹羲也武安侯者曹
爽也

縱橫波瀾晉文中之恢辨者

連珠序

所謂連珠者興於漢章帝之世班固賈逵傅毅
三才子受詔作之而蔡邕張華之徒又廣焉其文
體辭麗而言約不指說事情必假喻以達其旨

而賢者微悟。合於古詩勸興之義。欲使厯厯如貫珠。易觀而可悅。故謂之連珠也。班固喻美辭壯。文章弘麗。最得其體。蔡邕似論。言質而辭碎。然旨篤矣。賈逵儒而不艷。傅毅有文而不典。

華嶽銘序

易稱法象莫大乎天地。天以高明崇顯。而嶽配焉。地以廣厚爲基。而嶽體焉。若夫太華之爲鎮也。五嶽列位而存其首。三條分方而處其中。故能參兩儀以比德。協和氣之絪縕。故雲行與雨。

施興靄風以動物。是以古先歷代聖帝明王。莫不燔柴加牲尊而祀焉。於虞書則西巡狩。至于西嶽而親祭焉。於禮則大司馬掌其分域。而大宗伯典其禮祀也。

七謨序

昔枚乘作七發。而屬文之士。若傅毅劉廣崔駰李尤桓麟崔琦劉梁桓彬之徒。承其流而作之者。紛焉七激七興七依七說七蠲七舉之篇。於通儒大才馬季長張平子亦引其源而廣之。馬

作七厲。張造七辨。或以恢大道而導幽滯。或以黜瑰姿而託諷詠。揚暉播烈。垂於後世者。凡十有餘篇。自大魏英賢迭作。有陳王七啓。王氏七釋。楊氏七訓。劉氏七華。從父侍中七誨。並陵前而邈後。揚清風於儒林。亦數篇焉。世之賢明。多稱七激爲工。餘以爲未盡善也。七辨似也。非張氏至思。比之七激。未爲劣也。七釋僉曰妙哉。吾無間矣。若七依之。卓犖一致。七辨之。纏綿精巧。七啓之。奔逸壯麗。七釋之。精密閑理。亦近代之

傅毅集

卷全

三

所希也。

論

荀何論

以文王之道事其親者其頴昌何侯乎其荀侯乎古稱曾閔今日曾何內盡其心以事其親外崇禮讓以接天下孝子百世之宗仁人天下之命有能行孝之道君子之儀表也詩云高山仰止景行行止令德不遵二夫子之景行者非樂中正之道也

又

穎昌侯之事親其盡孝子之道乎存盡其和事
盡其敬亡盡其哀予於穎昌侯見之矣

又

見其親之黨如見其親六十而孺慕予於穎昌
侯見之矣

贊

漢高祖畫贊

赫赫漢祖，受命龍興。五星協象，神母告徵。討秦滅項，如日之升。超從側陋，光據萬乘。

漢明帝畫贊

肅矣孝明，仗法任刑。勤綜萬機，察下以情。未弘道治，用致太平。專信俗儒，非禮之經。

班婕妤畫贊

斌斌婕妤，履正脩文。進辭同輩，以禮匡君。納侍

顯德讜對解紛退身避害志邈浮雲。

明德馬皇后贊

明德馬后執履貞素光崇六行動遵禮度作后作母帝諮厥謀國賴內訓家應顯祚。

古今畫贊

信陵

信陵魏雄虎視龍驤謀羸奮駭雷動北疆

又

孫武

孫武論兵實妙於神奇正迭用變化無形

太常趙咨畫贊

天下信之如日月，仰之如雲雨。仁風翔於路衢，禮讓行于士女。時亮天工，四門順軌。

楊阜贊序

君構潛謀以龍變，應事機而虎發。山西數郡獲安者，君克敵之勳也。

傳影角身

卷全

三十九

箴

吏部尚書箴

明明王軌，制爲九秩。君執常道，臣有定職。各有攸司，又用不慝。貴無常尊，賤不恒卑。不明厥德，國用顛危。昔舜舉禹咎繇而俊，又在官。湯舉阿衡而不仁，流桀且表正。而象平，日夕而景側。處喉舌者，患銓衡之無常，不患於不明。故曰：無謂隱微，廢公任私。無好自專，違衆取怨。是以古之君子，無親無疎，縱心大倫，脩己以道，弘道以身。

易貴好爵，書慎官人。官不可妄授，職不可闇受。能者養之致福，不能者弊之招咎。衡臣司書，敢告左右。

太子少傅箴

夫金木無常，方圓應形，亦有隱括，習以性成。故近朱者赤，近墨者黑，聲和則響清，形正則影直。正人在側，德義盈堂，鮑肆先入，蘭惠不芳。傅臣司訓，敢告君王。

銘

印銘

往昔先王配天垂則乃設印章作信萬國取象
晷度是銘是刻文明慎密直方其德本立道生
歸乎立默太上結繩下無荒慝

劍銘

道德不脩雖有千金之劍何所用之先王觀變
而服劍所以立武象也太上有象而已其次則
親用之銘曰光文耀武以衛乃國

棟銘

國有維輔，屋有棟梁。室之傾尚可柱也，心之傾不可輔也。

筆銘

韓韓彤管，冉冉輕翰。正色玄墨，銘心寫言。

鏡銘

人徒鑒于鏡，止于見形。鑒人可以見情。

杖銘

杖正心安，厥身以隨。不安則傾，不貞則危。

澡盤銘

與其澡於水，盍澡於德。水之清，猶可穢也。德之脩，不可塵也。

燈銘

晃晃華燈，含滋炳靈。素膏流液，立炷亭亭。丹水陽輝，飛景蘭亭。

龜滴銘

鑄茲靈龜，體象自然。含出源水，有似清泉。潤彼玄墨，染此弱翰。申情寫素，經緯羣言。

席銘

閑居勿極其歡

左端

寢處毋忘其患

右端

居其

安無忘其危

左後

惑生於邪色禍成於多言

右後

被銘

被雖溫無忘人之寒無厚於己無薄於人

衣銘

衣服從其儀君子德也衣以飾外德以備內內脩外飾禮有制也

裳銘

上衣下裳、天地則也、服從其宜、君子德也、

冠銘

居高無忘危、在上無忘敬、懼則安、敬則正、

履銘

戒之哉、念履正無履邪、正者吉之路、邪者凶之
徵、

玄龍銘

麗哉神龍、誕應陽精、潛景九淵、飛躍天庭、屈伸
從時、變化無形、偃伏汗泥、上凌太清、

靈蛇銘

嘉茲靈蛇，斷而能續，飛不須翼，行不假足，上騰雲霄，下遊山嶽，進此明珠，預身龍族。

擬金人銘作口銘

神以感通，心繇口宣，福生有兆，禍來有端，情莫多妄，口莫多言，蟻孔潰河，溜穴傾山，病從口入，禍從口出，存亡之機，開闔之術，口與心謀，安危之源，樞機之發，榮辱存焉。

誠

口誠

勿謂何有，積怨致咎，勿曰不傳，伏流成川，蟻孔
潰河，流穴傾山，

頌

魏德頌

朱旗翳天，玄甲炤路，戎車萬駟，逸驥千羣，

設難

客難

傅嘉魚集

卷全

四

振筆若天文運思若迴雲

誄

太僕龐侯誄

烝烝孝敬，行著閨庭，如蘭之芳，如金之貞，在亂
不回，處暗斯明，仁象春日，威配秋霜，慈恩雨施，
惠化風揚，嘉善獻親，疾惡若讐，品定人倫，清濁
異流，將繼四祖，世據削定，天假其年，主優其祿，
等勲伊呂，比壽東嶽。

祝文

祝祖文

祖君自東百靈齊行翠蓋翩翩象輿琬箱王子
進駕驟服調良

傅享角集

卷全

哭

三
臨
州
西
具

臨
州
文

臨
州
文

服

魏武帝擬古皮弁裁縑帛爲白恰以易舊

服

白乃軍容非國容也

魏尚書何晏好服婦人之服

此服妖也夫衣裳之制所以定上下殊內外也
大雅云玄衮赤舄鉤膺鏤錫敬其文也小雅云
有嚴有翼共武之服詠其武也若內外不殊王
制失叙服妖旣作身隨之亡妹喜冠男子之冠

桀亡天下、何晏服婦人之服、亦亡其家、其咎均也、吳婦人之修容者、急束其髮而劇角過于耳、蓋其俗自操束太急而廉隅失中之謂也、故吳之風俗、相驅以急、言論彈射、以刻薄相尚、居三年之喪者、往往有致毀以死、諸葛患之、著正交論、雖不可以經訓整亂、蓋亦救時之作也

樂府

晉郊祀歌三首

晉書樂志曰武帝受命泰始二年詔郊祀明堂禮樂權用魏儀遵周室肇稱殷禮之義但改樂章使傅立爲之辭凡十九篇

夕牲歌

天命有晉穆穆明明我其夙夜祇事上靈常于
時假迄用其有一竹成於薦立牡進夕其牲崇德
作樂神祇是聽

迎送神歌

宣文蒸哉日靖四方永言保之夙夜匪康光天之命上帝是皇嘉樂殷薦靈祚景祥神祇降假享福無疆

饗神歌 三章

天祚有晉其命惟新受終于魏奄有兆

晉書作黎民

燕及皇天懷柔百神不顯遺烈之德之純享其

玄牡式用肇禋神祇來格福祿是臻

時邁其猶昊天予之祐享有晉兆民戴之畏天

之威敬授人時丕顯丕承於猶繹思皇極斯建

庶績咸熙庶幾夙夜惟晉之祺

宣文惟后克配彼天撫寧四海保有康年於乎
緝熙肆用靖民爰立典制爰修禮紀作民之極
莫匪資始克昌厥後永言保之

晉天地郊明堂歌六首

夕牲歌

天地郊明堂同

皇矣有晉時邁其德受終于天光濟萬國萬國
旣光神定厥祥虔于郊祀祇事上皇祇事上皇
百福是臻巍巍祖考克配彼天嘉牲匪歆德馨

惟饗受天之神、祐化四方、

宋書作神和四暢

降神歌

於赫大晉、膺

晉書作應

天景祥、二帝邁德、宣茲重光、

我皇受命、奄有萬方、郊祀配享、禮樂孔章、神祇

嘉饗、祖考是皇、克昌厥後、保祚無疆、

天郊饗神歌

整泰壇祀

晉書作禮

皇神、精氣感百靈、賓蘊朱火、燎

芳薪、紫烟遊

一作起

冠青雲、神之體、靡象形、曠無

方、幽以清、神之來、光景照、

晉書作昭

聽無聞、視無兆、

神之至、舉歆歆、靈爽協、動余心、神之坐、同歡娛、
澤雲翔、化風舒、嘉樂奏、文中聲、八音諧、神是聽、
咸潔齊、竝芬芳、烹牲享、玉觴、神悅饗、歆禋祀、
祐大晉、降繁祉、祚京邑、行晉書作廣四海、保天年、窮
地紀

地郊饗神歌

整泰圻、踈皇祇、衆神感、羣靈儀、陰祀設、吉禮施、
夜將極、時未移、祇之體、無形象、潛泰幽、洞忽荒、
祇之出、夢若有、靈無遠、天下母、祇之來、遺光景、

昭若存、終冥冥、祇之至、舉欣欣、舞象德、歌成文、
祇之坐、同歡豫、澤雨施、化雲布、樂八變、聲教敷、
物咸亨、祇是娛、齊旣潔、侍者肅、玉觴進、咸穆穆、
饗嘉參、歆德馨、祚有晉、暨羣生、溢九壤、格天庭、
保萬壽、延億齡、

又

初學
記載

結方丘、祇國琛、樽旣享、俎旣歆、歛撿玉、具鑒琛、
楸百福、底自古、協萬壽、迄在今、

明堂饗神歌

經始明堂，享配匪解。於皇烈者，光配上帝。赫赫上帝，既高既崇。聖考是配，明德樂府作堂顯融。率土敬職，萬方來祭。常于世假，保祚永世。

晉宗廟歌十一首

南齊書樂志曰：晉泰始中，傅玄造祠廟夕牲昭夏歌一篇，迎送神肆夏歌一篇，登七廟七篇，饗神歌二篇。玄云：登歌歌盛德之功烈，故廟異其文，饗神猶周頌之有瞽及雍，但說祭饗神明禮樂之盛。七廟饗神皆用之。

夕牲歌

我夕我牲，猗歟敬止。嘉粢孔時，供茲享祀。神鑒

厥誠博碩斯歆，祖考降饗，以虞孝孫之心。

迎送神歌

嗚呼悠哉，日鑒在茲。以時享祀，神明降之。神明
斯降，既祐饗之。祚我無疆，受天之祐。赫赫太上，
巍巍聖祖。明明烈考，丕承繼序。

征西將軍登歌

經始宗廟，神明戾止。申錫無疆，祇承享祀。假哉
皇祖，綏子孫子。燕及後昆，錫茲繁祉。

豫章府君登歌

嘉樂肆筵薦祀在堂皇皇宗廟乃祖乃皇濟濟
辟公相予蒸嘗享祀不忒降福穰穰

潁川府君登歌

於邈先后實司于天顯矣皇祖帝社肇臻本支
克昌資始開元惠我無疆享祀

晉書
作祚

永年

京兆府君登歌

於惟曾皇顯顯令德高明清亮匪競柔克保乂
命祐基命惟則篤生聖祖光濟四國

宣皇帝登歌

於鑠皇祖，聖德欽明。勤施四方，夙夜敬止。載敷
文教，載揚武烈。匡定社稷，恭行天罰。經始大業，
造創帝基。畏天之命，于時保之。

景皇帝登歌

執競景皇，克明克哲。旁作穆穆，惟祇惟畏。纂宣
之緒，耆定厥功。登此俊乂，糾彼羣凶。業業在位，
帝既勤止。維天之命，於穆不已。

文皇帝登歌

於皇時晉，允文文皇。聰明睿智，聖敬神武。萬幾

莫綜皇斯清之虎兕

晉書作地豕

放命皇斯平之柔

遠能邇簡授英賢創業垂統勲格皇天

饗神歌

二章

曰晉是常饗祀時序宗廟致敬禮樂具舉惟其
來祭普天率土犧樽既奠清酤既載亦有和羹
薦羞斯備蒸蒸永慕感時興思登歌奏舞神樂
其和祖考來格祐我邦家溥天之下罔不休嘉
肅肅在位濟濟臣工四海來格禮儀有容鐘鼓
振管絃理舞開元歌永始神胥樂兮肅肅在位

臣工濟濟，小大咸敬。上下有禮，理管絃。振鼓鍾，舞象德，歌咏功。神胥樂兮，肅肅在位。有來雍雍，穆穆天子，相維辟公。禮有儀，樂有則。舞象功，歌詠德，神胥樂兮。

晉四廂樂歌三首

晉書樂志曰：晉初食舉，亦用鹿鳴。至武帝泰始五年，使傅玄、荀勗、張華各造正旦行禮及王公上壽酒食舉樂歌詩。後又詔成公綏亦作焉。傅玄造三篇，一曰天鑒，二曰於赫，三日天命。

正旦大會行禮歌

四章

天鑒有晉，世祚聖皇。時齊七政，朝此萬方。
鐘鼓斯震，九賓備禮。正位在朝，穆穆濟濟。
煌煌三辰，實麗于天。君后是象，威儀孔虔。
率禮無愆，莫非邁德。儀刑聖皇，萬邦惟則。

上壽酒歌

於赫明明，聖德龍興。三朝獻酒，萬壽是膺。敷佑
四方，如日之升。自天降祚，元吉有徵。

食舉東西廂歌 十三章

天命大晉，載育羣生。於穆上德，隨時化成。

自祖配命，皇皇后辟，繼天創業，宣文之績。
丕顯宣文，先知稼穡，克恭克儉，足教足食。
既教食之，弘濟艱難，上帝是祐，下民所安。
天祐聖皇，萬邦來賀，雖安勿安，乾乾匪暇。
乃正丘郊，乃定豕社，廋廋作宗，光宅天下。
惟敬朝饗，爰奏食舉，盡禮供御，嘉樂有序。
樹羽設業，笙鏞以間，琴瑟齊列，亦有箎塤。
嗶嗶鼓鐘，鎗鎗磬管，八音克諧，載夷載簡。
既夷既簡，其大不禦，風化潛興，如雲如雨。

如雲之覆如雨之潤聲教所暨無思不順
教以化之樂以和之和而養之時惟邕熙
禮慎其儀樂節其聲於鑠皇繇既和且平

晉鼓吹曲二十二首

晉書樂志曰武帝令傅玄製
鼓吹曲二十二篇以代魏曲

靈之祥

古朱鷺行古今樂錄曰靈之祥言宣皇
帝之佐魏猶虞舜之事堯也既有石瑞
之徵又能用武以誅
孟達之逆命也

靈之祥石瑞章旌金德出西方天降命授宣皇

應期運時龍驤繼大舜佐陶唐讚武文建帝綱
孟氏叛據南疆追有扈亂五常吳寇勁蜀虜彊
交誓盟連遐荒宣赫怒奮鷹揚震乾威曜電光
陵九天陷石城梟逆命拯有生萬國安四海寧

宣受命

古思悲翁行古今樂錄曰宣受命
言宣帝禦諸葛亮養威重運神兵

宣受命應天機風雲時動神龍飛
禦諸葛鎮雍梁邊境安夷夏康
務節事勤定傾攬英雄保持
盈淵穆穆赫明明冲而泰天之經
養威重運神

兵亮乃震斃天下

晉書有安字 宐

征遼東

古艾如張行古今樂錄曰征遼東言宣帝討滅公孫淵而梟其首也

征遼東敵失據威靈邁日域公孫既授首羣逆
破膽咸震怖朔北響應海表景附武功赫赫德
雲布

宣輔政

古上之回行古今樂錄曰言宣帝聖道深遠撥亂反正網羅文武之才以定二儀之序也

宣皇輔政聖烈深撥亂反正從天心網羅文武
才慎厥所生所生賢遺教施安上治民化風移
肇創一作造帝基洪業垂於鑠明明時赫戲功濟

萬世定二儀定二儀雲行樂府作澤雨施海外風馳

時運多難

古雍離行古今樂錄曰時運多難言宣帝致討吳方有征無戰也

時運多難道教痛天地變化有盈虛蠢爾吳蠻
虎視江湖我皇赫斯致天誅有征無戰弭其圖
天威橫被廓東隅

景龍飛

古戰城南行。古今樂錄曰：景龍飛，言景帝克明威教，祚隆無疆，崇此洪基也。

景龍飛，御天威，聰鑒立，察動與，神明協，機從之。
者顯逆之者滅，夷文教敷，武功巍，普被四海，萬
邦望風莫不來綏。聖德潛斷，先天弗違，弗違祥
享，世永長，猛以致寬，道化光赫，明明祚隆，無疆
帝績惟期，有命既集，崇此洪基。

平玉衡

古巫山高行。古今樂錄曰：平玉衡，言景帝一萬國之殊風，齊四海之乖心，禮賢

養土而纂
洪業也。

平玉衡，紂姦回，萬國殊風，四海乖禮，賢養土，羈
御英雄，思心齊，纂戎洪業，崇皇階，品物咸亨，聖
敬日躋，聰鑒盡下，情明明綜，天機。

文皇統百揆

古上陵行，古今樂錄曰：文皇統百揆，
言文帝始統百揆，以敷太平之化也。

文皇統百揆，繼天理萬方，武將鎮四隅，英佐盈
朝堂，謀言協秋蘭，清風發其芳，洪澤所漸潤，礫
石爲珪璋，大道侔五帝，盛德踰三王，咸光大上。

因時運

因時運聖策施長蛇交解羣桀離勢窮奔吳虎
騎厲惟武進審大計時邁其德清一世

惟庸蜀

古有所思行古今樂錄曰惟庸蜀言文帝平蜀封建萬國復五等之爵也。

惟庸蜀潛號天一隅劉備逆帝命禪亮承其餘
擁衆數十萬闕隙承我虛驛騎進羽檄天下不
遑居姜維屢寇邊隴上爲荒蕪文皇愍斯民歷
世受罪辜外謨藩屏臣內謀衆士夫爪牙應指
授腹心獻一作同良圖良圖協成文大一作乃興百

萬軍雷鼓震地起猛勢陵浮雲逋虜畏天誅面
縛造壘門萬里同風教逆命稱妾臣光建五等
紀綱天人

天序

古芳樹行古今樂錄曰天序言聖皇應
厯受禪弘濟大化用人各盡其才也

天序厯應受禪承靈祐御羣龍勒螭虎弘濟大
化英雋作輔明明統萬機赫赫鎮四方咎繇稷
契之疇協蘭芳禮王臣覆兆民化之如天與地
誰敢愛其身

大晉承運期

古上邪行古今樂錄曰大晉承運
期言聖皇應籙受圖化象神明也

大晉承運期德隆聖皇時清晏白日垂光應籙

圖陟帝位繼天正玉衡化行象神明至哉道隆
虞與唐元首敷洪化百寮股肱竝忠良民太康
隆隆赫赫福祚盈無疆。

金靈運

古君馬黃行古今樂錄曰金靈運言聖
皇踐阼致敬宗廟而孝道行於天下也

金靈運天符發聖徵見參日月惟我皇體神聖
受魏禪應天命皇之興靈有徵登大麓御萬乘
皇之輔若闢虎爪牙奮莫之禦皇之佐讚清化
百事理萬邦賀神祇應嘉瑞章恭享禮薦先皇

樂時奏，磬管鏘，鼓淵淵，鐘鏗鏘，奠樽俎，實玉觴，
神歆饗，咸悅康，宴孫子，祐無疆，大孝烝烝，德教
被萬方。

於穆我皇

古雉子班行古今樂錄曰於穆我
皇言聖皇受命德合神明也。

於穆我皇，盛德聖且明，受禪君世，光濟羣生，普
天率土，莫不來庭，顒顒六合內，望風仰泰清，萬
國雍雍，興頌聲，大化洽，地平而天成，七政齊，玉
衡惟平，峨峨佐命，濟濟羣英，夙夜乾乾，萬機是

經雖治興。匪荒寧謙道光。冲不盈。天地合德。日月同榮。赫赫煌煌。曜幽冥。三光克從於顯。天垂景星。龍鳳臻甘露。宵零肅神祇。祇上靈萬物欣戴。自天效其成。

仲春振旅

古聖人出行。古今樂錄曰。仲春振旅。言大晉申文武之教。畋獵以時也。

仲春振旅。大致民。武教於時。日新。師執提。工執鼓。坐作從。

晉書作起

節有序。盛矣。允文允武。蒐田表

禡。申法誓。遂圍禁。獻社祭。允以時。明國制。文武

竝用禮之經。列車如戰。大教明。古今誰能去兵。
大晉繼天濟羣生。

夏苗田

古臨高臺行。古今樂錄曰夏苗田言大晉畋狩順時。爲苗除害也。

夏苗田。運將徂。軍國異容。文武殊。乃命羣吏選
車徒。辨其號名。讚契書。王軍啓八門。行同上帝
居。時路建大麾。雲旗翳紫虛。百官象其事。疾則
疾。徐則徐。回衡旋軫。罷陳弊車。獻禽享祠。烝烝
配有虞。惟大晉德參兩儀。化雲敷。

仲秋獮田

古遠期行古今樂錄曰仲秋獮田言大
晉雖有文德不廢武事順時以殺伐也

仲秋獮田金德常剛涼風清且厲凝露結爲霜
白藏司辰蒼隼時鷹揚鷹揚猶尚父順天以殺
伐春秋時序雷霆振威曜進退由鉦鼓致禽祀
祊羽毛之用克軍府赫赫大晉德芬烈陵三五
敷化以文雖治晉書作安不廢武光宅四海永享天
之祐

順天道

古石留行古今樂錄曰順天道言仲冬大閱用武修文大晉之德配天也

順天道握神契三時示講武事冬大閱鳴鐃振
鼓鐸旌旗象虹霓文制其中武不窮武動軍誓
衆禮成而義舉三驅以崇仁進止不失其序兵
卒練將如闔虎惟闔虎氣陵青雲解圍三面殺
不殄羣偃旌麾班六軍獻享蒸修典文嘉大晉
德配天祿報功爵俟賢饗燕樂受茲百祿嘉
作壽萬年

唐堯

傅鸞集

卷全

三

古務成行古曲亡古今樂錄曰唐堯言聖皇陟帝位德化光四表也

唐堯諮務成謙謙德所興積漸終光大履霜致

堅冰神明道自然

晉書作成

河海猶可疑舜禹統百

揆元凱以次升禪讓應天歷睿聖世相承我皇

陟帝位平衡正準繩德化飛四表祥氣見其徵

興王坐俟旦亡主

一作國

恬自矜致遠由近始覆

簣成山陵披圖按先籍有其證靈液

立雲

古立雲行古曲亡古今樂錄曰立雲言聖皇用人各盡其才也

玄雲起丘山，祥氣萬里會。龍飛何蜿蜒，鳳翔何
翾翾。昔在唐虞朝，時見青雲際。今親遊萬一作方
國，流光溢天外。鶴鳴在後園，清音隨風邁。成湯
隆顯命，伊摯來如飛。周文獵渭濱，遂載呂望歸。
符合如影響，先天天弗違。輟耕綜時晉書作地網，解
褐衿天維。元功配二王，芬馨世所稀。我皇叙羣
才，洪烈何巍巍。桓桓征四表，濟濟理萬機。神化
感無方，髦才盈帝畿。丕顯惟昧旦，日新孔所咨。
茂哉明聖德，日月同光輝。

伯益

古黃爵行古今樂錄曰伯益言赤鳥御書有周以興今聖皇受命神雀來也。

伯益佐舜禹職掌山與川德侔十六相思心入

無間

樂府作閒

智理周萬物下知衆鳥言黃雀應清

化翔集何翩翩和鳴棲庭樹徘徊雲日間夏桀

爲無道密網施山河酷祝振纖網當奈黃雀何

殷湯崇天德去其三面羅逍遙羣飛來鳴聲乃

復和朱雀作南宿鳳凰統羽羣赤鳥銜書至天

命瑞周文神雀今來遊爲我受命君嘉祥致天

和膏澤隆

一作降

青雲蘭風發芳氣蓋世同其芬

釣竿

古釣竿行、漢饒歌二十二曲、無釣竿、古今樂錄曰、釣竿言聖皇德配堯舜。又有呂望之佐以濟大功致太平也。

釣竿何冉冉、甘餌芳且鮮、臨川運思心、微綸沈九淵、太公寶此術、乃在靈秘篇、機變隨物移、精妙貫未然、游魚驚著釣、潛龍飛戾天、戾天安所至、撫翼翔太清、太清一何異、兩儀出渾成、玉衡正三辰、造化賦羣形、退願輔聖君、與神合其靈、

我君弘遠略，天人不足并。天人初并時，昧昧何
芒芒。日月有徵兆，文象興三皇。蚩尤亂生靈，黃
帝用兵征萬方。逮夏禹而德衰，三代不及虞與
唐。我皇聖德配堯舜，受禪卽祚享天祥。率土蒙
祐，靡不肅。庶事康，庶事康。穆穆明明，荷百祿。保
無極，永泰年。

晉正德大豫舞歌二首

宋書樂志曰：晉荀勗典知樂事，造正德大豫之舞。勗及傅玄、張華又各造舞歌。

正德舞歌

天命有晉、光濟萬國、穆穆聖皇、文武惟則、在天
斯正、在地成德、載韜政刑、載崇禮教、我敷立化、
臻於中道、

大豫舞歌

於鑠皇晉、配天受命、熙帝之光、世德惟聖、嘉樂
大豫、保佑萬姓、淵兮不竭、冲而用之、先帝弗違
虔奉天時

晉宣武舞歌四首

晉書樂志曰、魏黃初改漢巴渝舞曰昭武舞、景初又作武始、咸熙章斌三舞、皆

執羽籥及晉改昭武舞曰
宣武舞羽籥舞曰宣文舞

惟聖皇篇

矛俞第一

惟聖皇德巍巍光四海禮樂猶形影文武爲表裏
乃作巴渝肆舞士劍弩齊列戈矛爲之始進退
疾鷹鷂龍戰而豹起如亂不可亂動作順其理
離合有統紀

短兵篇

劍俞第二

劍爲短兵其勢險危疾踰飛電回旋應規武節
齊聲或合或離電發星驚若景若差兵法攸象

軍容是儀

軍鎮篇

弩俞第三

弩爲遠兵軍之鎮其發有機體難動往必速重而不遲銳精分鏑射遠中微弩俞之樂一何奇變多姿退若激進若飛五聲協八音諧宣武象讚天威

窮武篇

安臺行亂第四

窮武者喪何但敗北柔弱亡戰國家亦廢秦始徐偃旣已作戒前世先王鑒其機修文整武藝

文武足相濟、然後德光大、亂曰、高則亢、滿則盈、
亢必危、盈必傾、去危傾、守以平、冲則久、濁能清、
混文武、順天經、

晉宣文舞歌二首

羽籥舞歌

羲皇之初、天地開元、罔罟禽獸、羣黎以安、神農
教耕、創業誠難、民得粒食、澹然無所患、黃帝始
征伐、萬品造其端、軍駕無常居、是曰軒轅、軒轅
旣勤止、堯舜匪荒、寧夏禹治水、湯武又用兵、就

能保安逸坐致太平。聖皇邁乾乾。天下興頌聲。
穆穆且明明。惟聖皇道化彰。徵四海。清三光。萬
機理。庶事康。潛龍升。儀鳳翔。風雨時。物繁昌。却
走馬降瑞祥。揚側陋。簡忠良。百祿是荷。眉壽無
疆。

羽鐸舞歌

昔在渾成時。兩儀尚未分。陽升垂清景。陰降興
浮雲。中和氛氲。萬物各異羣。人倫得其序。衆
生樂聖君。三統繼五行。然後有質文。皇王殊運

代治亂亦續紛伊大晉德兼往古越犧農邈舜
禹參天地陵三五禮唐周樂韶武豈惟簫韶六
代具舉澤霑地境化克天寓聖明臨朝元凱作
輔普天同樂胥浩浩元氣遐哉太清五行流邁
日月代征隨時變化廢物乃成聖皇繼天光濟
羣生化之以道萬國咸寧受茲介福延于億齡

晉輦舞歌五首

古今樂錄曰晉輦舞歌五篇一曰洪業
篇當魏曲明明魏皇帝古曲關東有賢
女二曰天命篇當魏曲大和有聖帝古
曲章和二年中三曰景皇篇當魏曲魏

歷表、古曲樂久長、四曰大晉篇當魏曲
天生烝民、古曲四方皇、五曰明君篇當
魏曲爲君既不易
古曲殿前生桂樹

洪業篇

宣文創洪業盛德在泰始聖皇應靈符受命君
四海萬國何所樂上有明天子唐堯禪帝位虞
舜惟恭已恭已正南面道化與時移大赦盪萌
漸文教被黃支象天則地體無爲聰明配日月
神聖參兩儀雖有三凶類靜言無所施象天則
地體無爲稷契竝佐命伊呂升王臣蘭芷登朝

肆下無失宿民聲發響自應表立景來附虓虎
從羈制潜龍升

一作飛

天路備物立成器變通極

其數百事以時叙萬機有常度訓之以克讓納
之以忠恕羣下仰清風海外同懽慕象天則地
化雲布昔日貴雕飾今尚儉與素昔日多纖介
今去情與故象天則地化雲布濟濟大朝士夙
夜綜萬機萬機無廢理明明降疇諮臣譬列星
景君配朝日暉事業竝通濟功烈何巍巍五帝
繼三皇三王世所歸聖德應期運天地不能違

仰之彌已高，猶天不可階。將復御龍氏，鳳凰在庭棲。

天命篇

聖祖受天命，應期輔魏皇。入則綜萬機，出則征四方。朝廷無遺理，方表宥且康。道隆舜臣堯，積德踰太王。孟達阻窮險，造亂天一隅。神兵出不意，奉命致天誅。赦善戮有罪，元惡宗爲虛。威風振勁蜀，武烈懼疆吳。諸葛不知命，肆逆亂天常。擁徒十餘萬，數來寇邊疆。我皇邁神武，秉鉞鎮

雍涼亮乃畏天威未戰先仆僵盈虛自然運時
變固多艱東征陵海表萬里梟賊淵受遺齊七
政曹爽又滔天羣凶受誅殛百祿咸來臻黃華
應福始王凌爲禍先

景皇篇

景皇帝聰明命世生盛德參天地帝王道大創
基旣已難繼世亦未易外則夏侯立內則張與

李三凶稱

晉書作構

逆亂帝紀順天行誅窮其姦宄

遏

晉書作邊

將禦其漸潛謀不得起罪人咸伏辜威

風振萬里平衡綜萬機萬機無不理召陵桓不
君內外何紛紛衆小便成羣蒙昧恣心治亂不
分叡聖獨斷濟武常以文順天惟廢立掃霓披
浮雲雲霓旣已闢清和未幾閒羽檄首尾至變
起東南蕃儉欽爲長蛇外則憑吳蠻萬國紛騷
擾戚戚天下懼不安神武御六軍我皇秉鉞征
儉欽起壽春前鋒據項城出其不意竝縱奇兵
奇兵誠難御廟勝實難支兩軍不期遇敵退計
無施虎騎惟武進大戰沙陽陂欽乃亡魂走奔

虜若雲披，天恩赦有罪，東土放鯨鯢。

大晉篇

赫赫大晉，於穆文皇，蕩蕩巍巍，道邁陶唐。世稱三皇五帝，及今重其光。九德克明，文旣顯，武又章。恩洪六合，兼濟萬方。內舉元凱，朝政以綱。外簡虎臣，時惟鷹揚。靡順不懷，逆命斯亡。仁配春日，威踰秋霜。濟濟多士，同茲蘭芳。唐虞至治，四凶滔天。致討儉欽，罔不肅虔。化感海內，海外來賓。獻其聲樂，竝稱妾臣。西蜀猾夏，僭號方域。命

將致討，委國稽服。吳人放命，憑海阻江。飛書告諭，響應來同。先王建萬國，九服爲藩衛。亡秦壞諸侯，享祚不二世。歷代不能復，忽踰五百歲。我皇邁聖德，應期創典制。分土五等，藩國正封界。莘莘文武佐，千秋邁嘉會。洪業溢區內，仁風翔海外。

明君篇

明君御四海，聽鑒盡物情。顧望有譴罰，竭忠身必榮。蘭茝出荒野，萬里升紫庭。芡草穢堂階，掃

截不得生，能否莫相蒙。百官正其名，恭已慎有爲。有爲無不成，闇君不自信。羣下執異端，正直懼浸潤。姦臣奪其權，雖欲盡忠誠。結舌不敢言，結舌亦何憚。盡忠爲身患，清流豈不潔。飛塵濁其源，岐路令人迷。未遠勝不還，忠臣立君朝。正色不顧身，邪正不並存。譬若胡與秦，胡秦有合時。邪正各異津，忠臣遇明君。乾乾惟日新，羣目統在綱。衆星拱北辰，設令遭闇主，斥退爲凡民。雖薄共晉書作供時用，白茅猶可珍。冰霜晝夜結，蘭

桂摧爲薪，邪臣多端，變用心，何委曲，便僻順情，
指動隨君所欲，偷安樂目前，不問清與濁，積僞
罔時主，養交以持祿，言行恒相違，難饜甚谿谷，
昧死射乾沒，覺露則滅族。

晉鐸舞歌

雲門篇

當魏太
和時

黃雲門，唐咸池，虞韶舞，夏夏殷，濩列代有五，振
鐸鳴金，延大武，清歌發唱，形爲主，聲和八音，協

律呂身不虛動，手不徒舉，應節合度，周其叙時，
奏宮角，襍之以徵羽，下饜衆目，上從鐘鼓，樂以
移風，與德禮相輔，安有失其所。

短歌行

長安高城層樓亭亭，干雲四起，上貫天庭，蜚螭
何整，行如軍征。蟋蟀何感，中夜哀鳴。蚍蜉愉樂，
粲粲其榮。寤寐念之，誰知我情。昔君視我，如掌
中珠。何意一朝，棄我溝渠。昔君與我，如影如形。
何意一去，心如流星。昔君與我，兩心相結。何意

今日忽然兩絕

秋胡行

秋胡子娶婦三日、會行仕宦、旣享顯爵、保茲德音、以祿頤親、韞此黃金、覩一好婦、採桑路傍、遂下黃金、誘以逢卿、玉磨逾潔、蘭動彌馨、源流潔清、水無濁波、奈何秋胡、中道懷邪、美此節婦、高行巍峩、哀哉可愍、自投長河、

惟漢行

危哉鴻門會、沛公幾不還、輕裝入人軍、投身湯

火間兩雄不俱立，亞父見此權。項莊奮劍起，白
刃何翩翩。伯身雖爲蔽，事促不及旋。張良習坐
側，高祖變龍顏。賴得樊將軍，虎叱項王前。噉目
駭三軍，磨牙咀豚肩。空卮讓霸王，臨急吐奇言。
威凌萬乘主，指顧回泰山。神龍困鼎鑊，非噲豈
得全。狗屠登上將，功業信不原。健兒實可慕，腐
儒安足歎。

豔歌行

日出東南隅，照我秦氏樓。秦氏有好女，自少

羅敷首戴金翠飾，耳綴明月珠。白素爲下裙，丹霞爲上襦。一顧傾朝市，再顧國爲虛。問女居安在，堂在城南居。青樓臨大巷，幽門結重樞。使君自南來，駟馬立踟蹰。遣吏謝賢女，豈可同行車。斯女長跪對，使君言何殊。使君自有婦，賤妾有鄙夫。天地正厥位，願君改其圖。

長歌行

利害同根源，賞下有甘鈞。義門近塘，獸口出通侯。撫劍安所趨，蠻方未順流。蜀賊阻石城，吳

寇馮龍舟、二軍多壯士、聞賊如見讐、投身効知
已、徒生心、所羞鷹隼厲天翼、恥與燕雀遊、成敗
在縱者、無令鷲鳥憂、

豫章行苦相篇

苦相身爲女、卑陋難再陳、男兒當門戶、墮地自
生。神雄心志四海萬里望風塵、女育無欣愛、不
爲家所珍。長大逃深室、藏頭羞見人、垂淚適他
鄉、忽見兩絕雲、低頭和顏色、素齒結朱唇、跪拜
無復數、婢妾如嚴賓、情合同雲漢、葵藿仰陽春、

心乖甚水火，百惡集其身。玉顏隨年變，丈夫多
好新。昔爲形與影，今爲胡與秦。胡秦時相見，一
絕踰參辰。

和秋胡行

一云和
班氏詩

秋胡納令室，三日宦他鄉。皎皎潔婦姿，冷冷守
空房。燕婉不終夕，別如參與商。憂來猶四海，易
感難可防。人言生日短，愁者苦夜長。百草揚春
華，攘腕採柔桑。素手尋繁枝，落葉不盈筐。羅衣
翳玉體，回目流采章。君子倦仕歸，車馬如龍驤。

精誠馳萬里。既至兩相忘。行人悅令顏。借息此
樹傍。誘以逢卿喻。遂下黃金裝。烈烈貞女忿。言
辭厲秋霜。長驅及居室。奉金升北堂。母立呼婦
來。歡情樂未央。秋胡見此婦。惕然懷探湯。負心
豈不慙。永誓非所望。清濁必異源。鳬鳳不竝翔。
引身赴長流。果哉潔婦腸。彼夫既不淑。此婦亦
太剛。

飲馬長城窟行

青青河邊草。悠悠萬里道。草生在春時。遠道還

有期春至草不生。期

一作泣

盡歎無聲。感物懷思

心夢想發中情。夢君如鴛鴦。比翼雲間翔。既覺
寂無見。曠如參與商。夢君結同心。比翼遊北林。
既覺寂無見。曠如商與參。河洛自用固。不如中
岳安。回流不及返。浮雲往自還。悲風動思心。悠
悠誰知者。懸景無停居。忽如馳駟馬。傾耳懷音
響。轉目淚雙墮。生存無會期。要君黃泉下。

放歌行

靈龜有枯甲。神龍有腐鱗。人無千歲壽。存質空

相因朝露尚移景，促哉水上塵。丘塚如履綦，不
識故與新。高樹來悲風，松柏垂威神。曠野何蕭
條，顧望無生人。但見狐狸迹，虎豹自成羣。孤雛
攀樹鳴，離鳥何續紛。愁子多哀心，塞耳不忍聞。
長嘯淚雨下，太息氣成雲。

豔歌行有女篇

有女懷芬芳，媿媿步東廂。蛾眉分翠羽，明目

一作

眸

發清揚。丹唇翳皓齒，秀色若珪璋。巧笑露歡

靨，衆媚不可詳。令儀希世出，無乃古毛嬙。頭安

金步搖耳繫明月璫，珠環約素腕，翠羽垂鮮光。
文袍綴藻黼，玉體映羅裳。容華旣已豔，志節擬
秋霜。徽音冠青雲，聲響流四友。妙哉美媛德，宜
配侯與王。靈應萬世合，日月時相望。媒氏陳東
帛，羔鴈鳴前堂。百兩盈中路，起若鸞鳳翔。凡夫
徒踴躍，望絕殊參商。

牆上難爲趨

王僧虔技錄云，牆上
難爲趨行，荀錄所載。

門有車馬客，驂服若騰飛。華組結玉佩，繁藻紛

歲鞋馮軾垂長纓顧盼有餘輝貧主屣弊履整
此藍縷衣客曰嘉病乎正色意無疑吐言若覆
水搖舌不可追渭濱漁釣翁乃爲周所談顏回
處陋巷大聖稱庶幾苟富不知度千駟賤采薇
季孫由儉顯管仲病三歸夫差耽淫侈終爲越
所圍遺身外榮利然後享巍巍逃者一何衆孔
難知德希甚美致憔悴不如豚豕肥楊朱泣路
岐失道令人悲子貢欲自矜原憲知其非屈伸
各異勢窮達不同資夫惟體中庸先天天不違

怨歌行朝時篇

昭昭朝時日皎皎晨明月十五入君門一別終
華髮同心忽異離曠如胡與越胡越有會時參
辰遼且濶形影雖髣髴音聲寂無達織絃感促
柱觸之哀聲發情思如循環憂來不可遏塗山
有餘恨詩人詠采葛蜻蛚吟牀下回風起幽闥
春榮隨路落芙蓉生木末自傷命不遇良辰求
乖別已爾可奈何譬如紈素裂孤雌翔故窠星
流光景絕魂神馳萬里甘心要同穴

秋蘭篇

秋蘭蔭玉池，池水清且芳。
芙蓉隨風發，中有雙鴛鴦。
雙魚自踴躍，兩鳥時迴翔。
君其歷九秋，與妾同衣裳。

明月篇

藝文作
怨詩

皎皎明月光，灼灼朝日暉。
昔爲春蠶絲，今爲秋女衣。
丹唇列素齒，翠彩發蛾眉。
嬌子多好言，歡合易爲姿。
玉顏盛有時，秀色隨年衰。
常恐新間舊，變故興細微。
浮萍本無根，非水將何依。
憂喜

更相接、樂極還自悲。

前有一罇酒行

置酒結此會、主人起行觴。玉罇兩楹間、絲理東西廂。舞袖一何妙、變化窮萬方。賓主齊德量、欣欣樂未央。同享千年壽、朋來會此堂。

何當行

同聲自相應、同心自相知。外合不由中、雖固終必離。管鮑不世出、結交安可爲。

却東西門行

和樂惟有舞運體不失機退似前龍婉進如翔
鸞飛回目流神光傾亞有餘姿

美女篇

美女一何麗顏若芙蓉花一顧亂人國再顧亂
人家未亂猶可奈何

飛塵篇

飛塵穢清流朝雲蔽日光秋蘭豈不芬鮑肆亂
其芳河決潰金堤一手不能障

董逃行歷九秋篇十二首

歷九秋兮三春。遺貴客兮遠賓。顧多君心所親。
乃命妙妓才人。炳若日月星辰。

序金罍兮玉觴。賓主逴起鴈行。杯若飛電絕光。
交觴接卮結裳。慷慨歡笑萬方。

奏新詩兮夫君。爛然虎變龍文。渾如天地未分。
齊謳楚舞紛紛。歌聲上激青雲。

窮八音兮異倫。竒聲靡靡每新。微披素齒丹唇。
逸響飛薄梁塵。精爽眇眇入神。

坐咸醉兮沾歡。引樽促席臨軒。進爵獻壽翻翻。

千秋要君一言願愛不移若山。
君恩愛兮不竭。譬若朝日夕月。此景萬里不絕。
長保初醮髮結。何憂坐成胡越。

攜弱手兮金環。上遊飛閣雲間。穆若鴛鳳雙鸞。
還幸蘭芳自安。娛心樂意難原。

樂既極兮多懷。盛時忽逝若顏。寒暑革御景迴。

榮華隨風飄。摧感物動心增哀。

妾受命兮孤虛。男兒墮地稱珠女。弱雖存若無。
骨肉至親更疏。奉事他人託軀。

君如影兮隨形。賤妾如水浮萍。明月不能常盈。誰能無根保榮。良時冉冉代征。

顧繡領兮含暉。皎日迴光則微。朱華忽爾漸衰。影欲舍形高飛。誰言往思可追。

薺與麥兮夏零。蘭桂踐霜逾馨。祿命懸天難明。

妾心結意丹青。何憂君心中傾。選詩拾遺曰。此篇惜不知何人

之詞。非相如枚乘。其誰能爲之。按此詞本題曰董逃行。歷九秋篇。董逃行起於漢末。不得謂相如枚乘爲之也。觀其辭體。不類二京。當以樂錄傳立爲正。

吳楚歌 七言

燕人美兮趙女佳其室則邇兮限層崖雲爲車
兮風爲馬玉在山兮蘭在野雲無期兮風有止
思多端兮誰能理

鴻鴈生塞北行

魏武帝却東西門行曰鴻鴈生塞北乃在無人鄉

鳳凰遠生海西及時崑山岡五德存羽儀和鳴
定宮商百鳥竝侍左右鼓翼騰華光上熙遊雲
日間千歲時來翔孰若彼龍與龜曳尾泥中藏
非雲雨則不升冬伏春廼驤退哀此秋蘭草根

絕隨化揚靈氣一何憂美萬里馳芬芳常恐物
微易歇一朝見棄忘

白楊行

古今樂錄曰王僧虔校
錄有白楊行今不歌

青雲固非青當雲柰白雲驥從西北馳來吾何
憶驥來對我悲鳴舉頭氣凌青雲當柰此驥正
龍形跼足蹉跎長坡下蹇驢慷慨敢與我爭馳
躑躅鹽車之中流汗兩耳盡下垂雖懷千里之
逸志當時一得施白雲影影舍我高翔青雲徘徊

徊戢我愁啼上眄增崖下臨清池日欲西移旣
來歸君君不一顧仰天太息當用生爲青雲乎
飛時悲當奈何耶青雲飛乎

秦女休行

龐

一作秦

氏有烈婦義聲馳雍涼父母家有重怨

仇人暴且彊雖有男兄弟志弱不能當烈女念
此痛丹心爲寸傷外若無意者內潛思無方白
日入都市怨家如平常匿劍藏白刃一奮尋身
僵身首爲之異處仗尸列肆旁肉與土合成泥

灑血濺飛梁，猛氣上干雲。霓仇黨失守，爲披攘。
一市稱烈義，觀者收淚竝慨忼。百男何當益，不
如一女良。烈女直造縣門云：父不幸遭禍殃，今
仇身以分裂，雖死情益揚。殺人當伏法，義不苟
活。隳舊章，縣令解印綬，令我傷心不忍聽。刑部
垂頭塞耳，令我吏舉不能成。烈著希代之績，義
立無窮之名。夫家同受其祚，子子孫孫咸享其
榮。今我作歌詠高風，激揚壯發，悲且清。

雲中白子高行

陵陽子來明，意欲作天與仙人遊。超登元氣攀
日月，遂造天門將上謁。闔闔見紫微，絳闕紫
宮，崔嵬高殿，蹇蹇雙闕。萬丈玉樹羅，童女掣電
策，童男挽雷車。雲漢隨天流，浩浩如江河。因王
長公謁上皇，鈞天樂作不可詳。龍仙神仙教我
靈秘，八風子儀與遊我祥。我心何戚戚，思故鄉。
俯看故鄉，二儀設張。樂哉二儀，日月運移。地東
南傾，天西北馳。鶴五氣所補，鼇四足所支。齊駕
飛龍驂赤螭，逍遙五岳間。東西馳，長一作期與天

地竝復何爲復何爲

西長安行

所思兮何在，乃在西長安。
何用存問妾，香橙雙珠環。
何用重存問，羽爵翠琅玕。
今我兮問君，更有兮異心。
香亦不可燒，環亦不可沈。
香燒日有歇，環沈日自深。

車遥遥篇

車遥遥兮馬洋洋，追思君兮不可忘。
君安遊兮西入秦，願爲影兮隨君身。
君在陰兮影不見，君

依光兮妾所願、

昔思君

昔君與我兮形影潛結、今君與我兮雲飛雨絕、
昔君與我兮音響相和、今君與我兮落葉去柯、
昔君與我兮金石無虧、今君與我兮星滅光離、

詩

答程曉詩

四言

奕奕兩儀，昭昭太陽。四氣代升，三朝受祥。濟濟羣后，峩峩聖皇。元服肇御，配天垂光。伊周作弼，王室惟康。顒顒兆民，蠢蠢戎獯。率土克庭，萬國奉蕃。皇澤雲行，神化風宣。六合咸熙，遐邇同歡。赫赫明明，天人合和。下罔遺滯，焦朽斯華。矧我良朋，如玉之嘉。穆穆雝雝，興頌作歌。

宴會詩

日之既逝情亦既渥賓委餘歡主容不足樂飲
今夕溫其如玉

芙蕖

煌煌芙蕖從風芬葩照以皎日灌以清波陰結
其實陽發其華金房綠葉素株翠柯

雜詩三首

以下
五言

志士惜日短愁人知夜長攝衣步前庭仰觀南

鴈翔玄景隨形運流響歸空房清風何飄颻微

月出西方繁星衣

一作依

青天列宿自成行蟬鳴

高樹間、野鳥號東廂、纖雲時髣髴、渥露沾衣裳。
良時無停景、北斗忽低昂、常恐寒節至、凝氣結
爲霜。落葉隨風摧、一絕如流光。

閒夜微風起、明月照高臺、清響呼不應、玄景招
不來、厨人進藿茹、有酒不盈杯、安貧福所與、富
貴爲禍媒、金玉雖高堂、於我賤蒿萊。

鵲巢上城側、雀乳空井中、居不附龍鳳、常畏蛇
與蟲、依賢義不恐、近暴自當窮。

又答程曉

羲和運玉衡、招搖賦朔旬、嘉慶形三朝、美德揚
初春、聖主加元服、萬國望威神、伊周敷玄化、竝
世霑天人、洪崖歌山岫、許由嗟水濱、

宴詩

鸞鳥睇鳳凰、望舒繼白日、千秋邁嘉會、來升君
子室、華樽享清醕、珍肴自盈溢、

天行篇

天行一何健、日月無停蹤、百川皆赴海、

藝文作
赴陽谷

三辰回泰蒙、

日昇歌

東光昇朝陽，羲和初攬轡。六龍竝騰驤，逸景何
晃晃。旭日照萬方，皇德配天地。神明鑒幽荒，

三光篇

三光垂象表，天地有晷度。聲和音響應，形立影
自附。素日抱玄鳥，明月懷靈兔。

衆星詩

朗月共衆星，日出擅其明。冬寒地爲裂，春和草
木榮。陽德雖普濟，非陰亦不成。

苦雨

徂暑未一旬，重陰翳朝霞。
厥初月離畢，積日遂滂沱。
屯雲結不解，長溜周四阿。
霖雨如倒井，黃潦起洪波。
湍深激墻隅，門庭若決河。
炊爨不復舉，竈中生蛙蝦。

苦熱

朱明運將極，溽暑晝夜興。
裁動四支廢，舉身若山陵。
珠汗洽玉體，呼吸氣鬱蒸。
塵垢自成泥，素粉隨手凝。

古詩

東方大明星光景照千里少年舍家遊思心晝
夜起

擬四愁詩四首

并序
七言

張平子作四愁詩體小而俗七言類也聊擬
而作之名曰擬四愁詩

我所思兮在瀛洲願爲雙鵲戲中流牽牛織女
期在秋山高水深路無由愍余不遘嬰殷憂佳
人貽我明月珠何以要之比目魚海廣無矣悵

勞、劬、寄、言、飛、龍、天、馬、駒、風、氣、雲、披、飛、龍、逝、驚、波、
滔、天、馬、不、厲、何、爲、多、念、心、憂、泄、

我、所、思、今、在、珠、崖、願、爲、比、翼、浮、清、池、剛、柔、合、德、
配、二、儀、形、影、一、絕、長、別、離、愍、余、不、邁、情、如、攜、佳、
人、貽、我、蘭、蕙、草、何、以、要、之、同、心、身、火、熱、水、深、憂、
盈、抱、申、以、琬、琰、夜、光、寶、卞、和、旣、沒、玉、不、察、存、若、
流、光、忽、電、滅、何、爲、多、念、獨、鬱、結、

我、所、思、今、在、崑、山、願、爲、鹿、麇、

一作

闕、虞、淵、日、月、

迴、曜、照、景、天、參、辰、曠、隔、會、無、緣、愍、余、不、邁、罹、百、

艱佳人貽我蘇合香何以要之翠鴛鴦懸度弱
水川無梁申以錦衣文繡裳三光騁邁景不留
鮮似民生忽如浮何爲多念祇自愁

我所思今在朔方願爲飛燕俱南翔煥乎人道
著三光胡越殊心生異鄉愍余不邁罹百殃佳
人遺我葆羽纓何以要之影與形未增憂結繁
華零申以日月指明星星辰有翳日月移駕馬
哀鳴慙不馳何爲多念徒自虧

兩儀詩

兩儀始分元氣清、列宿垂象六位成、日月西流
景東征、悠悠萬物殊品名、聖人憂代念羣生、

天行歌

雜言

天時泰兮昭以陽、清風起兮景雲翔、仰觀兮辰
象、日月兮運周、俯視兮河海百川兮東流、

驚雷歌

驚雷奮兮震萬里、威陵宇宙兮動四海、六合不
維兮誰能理、

雜言

一作
雷

雷隱隱感妾心。傾耳清聽非車音。

雲歌

白雲翩翩翔天庭。流景髣髴非君形。白雲飄飄
捨我高翔青雲徘徊爲我愁腸。

蓮歌

渡江南採蓮花。芙蓉增敷曄若星羅。綠葉映長
波迴風容與動纖柯。

啄木

啄木高翔鳴喈喈。飄搖林薄著桑槐。硬綠樹間

喙如錐、嚶喔嚶喔聲正悲、專爲萬物作倡俳、當
此之時樂、不可廻

雜歌

鳳有翼、龍有鱗、君不獨興、必須良臣

九曲歌

歲莫景邁羣光絕、安得長繩繫白日

歌詞

雷師鳴鐘鼓、風伯吹笙簧、西母出穴聽、王父吟
東廂

失題五首

見藝文
日部

賜谷發清曜，九日棲高枝。願得竝天御，六龍齊玉羈。

二

初學
江部

有女殊代生，涉江采菱花。上翳青雲景，下鑿淥水波。

三

藝文
稍部

彎我繁弱弓，弄我丈八稍。一舉覆三軍，再舉殄戎貊。

四

藝文庭
燎部

元正始朝享萬國執珪璋枝燈若火樹庭燎繼

天光

五

藝文
松部

飛蓬隨飄起芳草摧山澤世有千年松人生詎
能百

本傳

傅立字休奕，北地泥陽人也。祖燹，漢漢陽太守。父韓，魏扶風太守。立少孤貧，博學善屬文。解鍾律，性剛勁亮直，不能容人之短。郡上計吏，再舉孝廉。太尉辟，皆不就。州舉秀才，除郎中，與東海繆施俱以時譽選入著作，撰集魏書。後叅安東衛軍軍事，轉溫令。再遷弘農太守，領典農校尉。所居稱職，數上書陳便宜，多所匡正。五等建封，鶡觚男。武帝爲晉王，以立爲散騎常侍及受禪。

進爵爲子。加駙馬都尉。帝初卽位。廣納直言。開
不諱之路。立及散騎常侍皇甫陶共掌諫職。俄
遷侍中。初立進皇甫陶。及入而抵立以事與陶
爭言。諠譁爲有司所奏。二人竟坐免官。泰始四
年。以爲御史中丞。時頗有水旱之災。立復上疏
陳五事。優詔報之。五年。遷太僕。時比年不登。荒
胡擾邊。詔公卿會議。立應對所問。陳事切直。雖
不盡施行。而常見優容。轉司隸校尉。獻皇后崩。
於弘訓宮。設喪位。舊制司隸於端門外。坐在諸

卿上絕席其入殿按本品秩在諸卿下以次坐
不絕席而謁者以弘訓宮爲殿內制立位在卿
下立恚怒厲聲色而責謁者謁者妄稱尚書所
處立對百僚而罵尚書以下御史中丞庾純奏
立不敬立又自表不以實坐免官然立天性峻
急不能有所容每有奏劾或值日暮捧白簡整
簪帶竦踊不寐坐而待旦於是貴游懾伏臺閣
生風尋卒於家時年六十二謚曰剛立少時避
難於河內專心誦學後雖顯貴而著述不廢撰

論經國九流及三史故事評斷得失各爲區例。
名爲傅子。爲內外中篇。凡有四部六錄。合百四
十首。數十萬言。并文集百餘卷。行於世。立初作
內篇成。子咸以示司空王沉沉。沉沉與立書曰。省足
下所著書。言富理濟。經綸政體。存重儒教。足以
塞楊墨之流通。齊孫孟於往代。每開卷未嘗不
歎息也。不見賈生。自以過之。乃今不及。信矣。其
後追封清泉侯。子咸嗣。

史臣曰。傅立體彊直之姿。懷匪躬之操。抗辭正

色補闕弼違。諤諤當朝。不忝其職者矣。及乎位居三獨。彈擊是司。遂能使臺閣生風。貴戚歛手。雖前代鮑葛。何以加之。然而惟此褊心。乏弘雅度。驟聞競爽。爲物議所譏。惜哉。古人取戒於韋弦。良有以也。

贊曰。鵠觚貞諒。實惟朝望。志厲彊直。性乖夷曠。

晉傅鵠觚集終

晉書謝安傳

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰

謝安嘗謂人曰吾嘗聞人言謝安嘗謂人曰



